


正法會處經

卷十一

二百九十
初一

49646



Vertical seal impression with Chinese characters.



正法念處經卷第十一

元魏婆羅門瞿曇般若流支譯

地獄品第三之七

又彼比丘知業果報復觀焦熱之大地獄復
有何處彼見聞知復有異處彼處名為無終
沒入是彼地獄第九別處衆生何業生於彼

處彼見有人殺盜邪行飲酒妄語樂行多作
業及果報如前所說復有邪見身口意業業
業普遍作業究竟樂行多作彼人以是惡業
因緣身壞命終墮彼地獄無終沒入別異處
生受大苦惱所謂苦者如前所說活等地獄
所受苦惱彼一切苦此中具足五倍更重邪



初

見所作以不正聞他人所教有如是心若以
虫蟻蛇蟒鹿馬而著火中火既歡喜我得大
福生勝世間火所燒者摩醯首羅世界中生
若人以火燒衆生者則得無量勝大福德如
是愚癡邪法所誑邪見之人身壞命終墮於
惡處在彼地獄無終沒入別異處生受大苦
惱所謂苦者彼有鐵山火炎甚熾廣五由旬
其山普遍地獄火然閻魔羅人驅地獄人令
上彼山燒脚脣寬背臂頭項手足耳眼乃至
頭惱燒已復生生已復燒時節長遠無有年
數乃至惡業未壞未爛業氣未盡於一切時
與苦不止若惡業盡彼地獄處亦乃得脫彼

邪見人既脫彼處於五百世生於食屎餓死
之中一切身分皆悉炎然於夜中行衆人所
見彼惡業人如是鬼中既得脫已生在畜生
作螢火虫身有火炎於夜中行一切人見白
日風吹日光所炙身則內燒是彼惡業餘殘
果報

又彼此丘知業果報復觀焦熱之大地獄復
有何處彼見聞知復有異處彼處名為大鉢
頭摩是彼地獄第十別處衆生何業生於彼
處彼見有人殺盜邪行飲酒妄語樂行多作
以要言之身口意業普遍究竟作而復集彼
人以是惡業因緣身壞命終墮於惡處在彼

地獄大鉢頭摩別異處生業及果報如前所
說復有邪見彼邪見人有如是心於大衰中
若殺丈夫得稱意處造作如是邪見惡業身
壞命終墮於惡處在彼地獄大鉢頭摩別異
處生受大苦惱所謂苦者彼地獄處如鉢頭
摩在彼鬘中金剛棘鬘五百由旬地獄罪人
鉢頭摩金剛棘中彼金剛棘破壞彼人一切
身分無針頭許不被刺處無地獄火不遍燒
處身瘡炎然如是久時常燒常煮乃至惡業
未壞未爛業氣未盡於一切時與苦不止若
惡業盡彼地獄處亦乃得脫既得脫已於二
百世生於食屎餓鬼之中彼處脫已於五百

世生畜生中作孔雀等常食惡毒既得脫已
難得人身如龜遇孔若生人中同業之處常
困貧窮繫屬他人若作伎兒以戲為業而自
活命若如是戲而活命者世間下賤乃至命
盡是彼惡業餘殘果報

又彼比丘知業果報復觀焦熱之大地獄復
有何處彼見聞知復有異處名惡嶮岸是彼
地獄第十一處衆生何業生於彼處彼見有
人殺盜邪行飲酒妄語業及果報如前所說
復有邪見樂行多作所謂有人作如是見入
來死者一切罪滅死已生於八臂世界彼處
不退如是癡人望生彼處復教他人亦隨喜

他入水而死彼人如是入水死已墮於惡處
在彼地獄惡嶮岸處受大苦惱破壞身業口
業意業於彼處生受大苦惱所謂苦者如前
所說活等地獄所受苦惱彼一切苦此中具
受復有勝者彼地獄處極利刃石遍滿其
多有惡山處處遍滿巖崖險峻高十由旬
飛不到何況罪人而能往到炎火普遍一切
熾然彼地獄處一地獄人爲餘一切地獄罪
人說如是言君等可來過此山已更無地獄
若過此山我等得樂諸地獄人以惡業故聞
見彼人作如是說如是說已諸地獄人走赴
彼山以惡業故到彼巖崖嶮岸之處彼處

燒火炎熾然既走往至不能得上有墮墜者
有在火中極被燒者有怖畏故手抱炎石而
被燒者有驚畏故望救望歸走迴還者彼地
獄處閻魔羅人手捉鐵椎極打連打彼地獄
人身業口業意業邪故長久遠時如是燒之
乃至惡業未壞未爛業氣未盡於一切時與
苦不止若惡業盡彼地獄處亦乃得脫既得
脫已於三百世生於食血餓鬼之中同業處
生彼處脫已於三百世生於有毒畜生之中
是彼惡業餘殘果報若生人中同業之處貧
窮多病惡國土生諸根不具常有怖畏惡國
土中

又彼比丘知業果報復觀焦熱之大地獄復
 有何處彼見聞知復有異處名金剛骨是彼
 地獄第十二處衆生何業生於彼處彼見有
 人殺盜邪行飲酒妄語樂行多作如前所說
 復有邪見樂行多作所謂有人作如是心一
 切世間命無命物自然而生自然而滅如棘

刺針孔雀毛色如鹿愛炎軋闍婆城無因緣
 有無因緣滅一切諸法皆亦如是無因緣生
 無因緣滅自然如是復教他人安住他人令
 如是信破壞身業口業意業彼人以是惡業
 因緣身壞命終墮於惡處在彼地獄金剛骨
 處受大苦惱所謂苦者如前所說活等地獄

所受苦惱彼一切苦此中具受復有勝者閻
魔羅人取地獄人以嚴利刀削其身肉皆悉
令盡唯有骨在見本怨家執諸骨人以此打
彼以彼打此以惡業故骨爲金剛有頭破者
身中破者或有罪人一切身分皆悉破者有
作孔者有骨乾者或有罪人失身分者復有
以骨更互打者有以炎石而打之者彼地獄
人惡業因緣無數年歲彼地獄中見本怨家
如是執持更互而打乃至惡業未壞未爛業
氣未盡於一切時與苦不止若惡業盡彼地
獄處亦乃得脫旣得脫已於五百世生自食
腦餓鬼之中彼處脫已於三百世生畜生中

而作蠍虎或作瞿陁彼處脫已難得人身如
龜遇孔若生人中同業之處生於邊地樹林
國土陁羅毗羅安陁羅等惡國土中貧窮多
病繫屬於他是彼惡業餘殘果報

又彼比丘知業果報復觀焦熱之大地獄復
有何處彼見聞知復有異處名黑鐵繩刃解
受苦是彼地獄第十三處衆生何業生於彼
處彼見有人殺盜邪行飲酒妄語樂行多作
業及果報如前所說復有邪見所謂有人作
如是見一切罪福在因緣中所因之處皆得
罪福喜為他說樂行多作彼人以是惡業因
緣身壞命終墮於惡處在彼地獄名黑鐵繩

刃解受苦別異處生受大苦惱所謂苦者如
前所說活等地獄所受苦惱彼一切罪此中
具受五倍更重復有勝者所謂彼處閻魔羅
人以黑鐵繩拼其身體以惡業故如是拼已
以利鐵刃火炎熾然從足至頭而解劈之彼
地獄人既被拼劈悲號大叫唱喚啼哭而復
更以鐵繩拼之炎然利鐵極細分解如芥子
許亦不可得而更和合還復更生和合生已
而復更割割已復割彼人如是彼地獄處於
長久時受大苦惱乃至惡業未壞未爛業氣
未盡於一切時與苦不止若惡業盡彼地獄
處亦乃得脫既得脫已於五百世生餓鬼中

食人所棄盪器惡水彼處脫已於一百世生
畜生中作蛭作蝎若蜣螂等種種諸虫是彼
惡業餘殘果報若生人中同業之處所生常
為飢渴所逼若有異人違犯王法橫誣誑壓
令其入罪是彼惡業餘殘果報
又彼比丘知業果報復觀焦熱之大地獄復
有何處彼見聞知復有異處彼處名為那迦
虫枉惡火受苦是彼地獄第十四處衆生何
業生於彼處彼見有人殺盜邪行飲酒妄語
樂行多作業及果報如前所說復有邪見樂
行多作所謂有人如是邪見言無此世亦無
彼世殺盜邪行飲酒妄語業及果報如前所

說此世間常一切法常常不破壞彼人如是顛倒法說邪見之人復教他人令住邪見數數為說大眾中說惡因譬喻為他人說令彼前人取惡邪見於大眾中於相似法非法說法彼人以是惡業因緣身壞命終墮於惡處在彼地獄那迦虫柱惡火苦處受大苦惱所

謂苦者如前所說活等地獄所受苦惱彼一切苦此中具受復有勝者所謂彼處有鐵柱生釘其頭上從下而出如是出已半下入地半在頭上如是穿已有那迦虫在彼罪人皮肉脂中一切處生飲食罪人一切身分先啄其脉飲血令盡次食其肉次破其骨次飲其

髓次斷其筋次斷其脉次燒其竅次拔其毛
抖擻其皮次入身內在叢筋中次破其心既
破心已而飲其汁次破其肺次入背中而飲
其汁次散其腹次以炎鉗破其頷下而拔其
舌拔已與狗以其舌根本說惡語說顛倒因
非法譬喻和合說故彼地獄人如是舌罪故
受如是一切苦網彼邪見人曲見教他以大
慈心教化餘人令住邪見身業口業意業破
壞於長久時在地獄中常被燒然無有年數
不可窮盡乃至惡業未壞未爛業氣未盡於
一切時與苦不止若惡業盡彼地獄處亦乃
得脫既得脫已於三百卅生食死屍餓鬼之

中既得脫已難得人身如龜遇孔若生人中
同業之處他犯王法橫得其殃以惡業故貧
窮多病繫屬他人不得自在噉食人肉而復
名人是彼惡業餘殘果報

又彼比丘知業果報復觀焦熱之大地獄復
有何處彼見聞知復有異處名閻火風是彼
地獄第十五處衆生何業生於彼處彼見有
人殺盜邪行飲酒妄語樂行多作業業普遍
作業究竟以是惡業墮彼地獄閻火風處業
及果報如前所說復有邪見樂行多作所謂
有人作如是見一切諸法有常無常無常者
身常者四大彼邪見人如是二見惡因惡喻

為他人說令住邪見復生隨喜於大眾中於
非法中相似法說彼人以是惡業因緣身壞
命終墮於惡處在彼地獄閻火風處受大苦
惱所謂苦者如前所說活等地獄所受苦惱
彼一切苦此中具受五倍更重復有勝者彼
既得脫閻魔羅人所作苦惱難脫脫已惡業
所作後復更入閻火急風受苦之處惡風所
吹彼地獄人在虛空中無所依處如輪疾轉
身不可見彼人如是如輪轉已異刀風生碎
割其身令如沙揣分散十方又復更生已
復散散已復生恒常如是無有年數受如是
等堅急苦惱乃至惡業未壞未爛業氣未盡

於一切時與苦不止若惡業盡彼地獄處亦
乃得脫既得脫已於五百世生於食吐餓鬼
之中彼處脫已復生飢渴畜生之中是彼惡
業餘殘果報

又彼比丘知業果報復觀焦熱之大地獄復
有何處彼見聞知復有異處彼處名爲金剛
崑崙是彼地獄第十六處衆生何業生於彼
處彼見有人殺盜邪行飲酒妄語樂行多作
業及果報如前所說復有邪見所謂有人作
如是見世間有始因緣而生有常無常一切
皆是因緣所作彼不實語邪因譬喻於非法
中相似法說令他餘人安住邪法退失正法

障礙正法而作邪見彼不正說常法非因常
法不動常法不異常不能作猶如虛空彼邪
見人不實分別彼人以是惡業因緣身壞命
終墮於惡處在彼地獄生金剛紫蜂鎧鉀處
受大苦惱彼邪見人身業口業意業破壞下
賤之人衆生中劣障礙正法住不善法以愚

癡故作惡道行自謂有智恃智我慢自意分
別不實語說受大苦惱所謂苦者如前所說
活等地獄所受苦惱彼一切苦此中具受五
倍更重復有勝者所謂彼處閻魔羅人以極
細鉗稍拔其肉如毛根許拔已復拔如是連
拔置其口中驅令自食彼處多有金剛紫蜂

觸罪人身有熱血出味鹹如鹽閻魔羅人取
彼鹹血置罪人口驅令食之彼既食已十倍
飢渴燒其身心惡業所誑復自食肉食已更
生惡業因緣作集惡業之所誑感受大苦惱
無有年歲乃至惡業未壞未爛業氣未盡於
一切時與苦不止若惡業盡彼地獄處亦乃
得脫既得脫已於四百卅生餓鬼中食不淨
食彼處脫已於五百卅生畜生中而作曲蟻
蜚螻等虫飢渴燒身是彼惡業餘殘果報
又彼比丘知業果報復觀焦熱之大地獄如
是觀已彼更不見第十七處如是焦熱之大
地獄如是等處如是盡邊彼邪見人如是業

作惡業任處彼比丘如是觀察六大地獄如實而知

彼修行者內心思惟隨順正法觀察法行如是見已心生歡喜作如是言此比丘第一精進得十一地彼人則能斷生死道彼地夜又知已歡喜轉復上聞虛空夜又如前所說次第乃至聞不少天作如是言某國某村某善男子如前所說得十一地不共魔王同一處住心不樂與煩惱共戲離生死欲非境界處一切世界無邊苦中不肯住止

又彼比丘觀活黑繩合喚大喚及焦熱等并別處已復更觀察為當更有餘地獄不彼見

聞知有大地獄名大焦熱衆生何業生彼地
獄彼見有人殺生偷盜邪行飲酒妄語邪見
樂行多作墮彼地獄業及果報如前所說復
於持戒不犯禁戒具足不缺淨行童女善比
丘尼未曾行欲未曾犯戒如來法中如法行
者令其退壞如是之人不信佛法如是心言
佛者則非一切智人佛旣非是一切智者何
況弟子比丘尼僧有清淨行如是一切皆是
妄語虛誑不實如是佛法乃是惡處非布施
此能生福德非布施此能生涅槃此凡人僧
如是和合比丘女尼破彼禁戒則不得罪彼
人如是惡思惟已壞彼童女比丘尼戒令退

僧行令其犯戒彼人身業口業意業惡不善
行身壞命終墮於惡處在大焦熱大地獄中
受大苦惱一由旬身身極柔軟軟於生蘇如
是眼軟更軟於身如是五根皆悉坏軟聲觸
色香猶尚能殺何況餘苦如彼作惡惡業重
故如是身心皆悉坏軟彼惡業人惡業力故
受極苦惱彼惡業人臨欲死時現受業報有
大苦惱如前所說活地獄中所有苦惱皆悉
具受如是罪人臨欲死時於先三日如是受
苦乃至命盡失音不語想大怖畏行劣識驚
如是次第四大色怒極受苦惱地界堅韃身
體強怒一切身分筋脉骨髓處處閉塞皆悉

破壞生大苦惱如新生蘇揣押磨打地界如是
又復水界一切身分筋脉繫縛本自堅燥能
令爛緩殺虫氣臭一切漏門皆悉閉塞咽不
通利舌縮入喉諸竅受苦遍體汗出又復六
界一切身體所有筋脉皆悉燒煮受大苦惱
身體皮膚如赤銅色內外皆熱口乾大渴燒
心熾熱又復風界輕相更增以身乾故如晃
虛空復下墮地一切身分一切界乾一切身
分一切脉中風行不住有風名爲必波羅針
如炎針刺乃至遍身如毛根等乃至精髓皆
悉乾燥卑波羅風能割皮肉脂骨精髓如斤
斧破吹一切根一切身分皆悉閉塞大小便

利壅隔不通息不調利咽喉不正眼目損減
耳中則聞不可愛聲鼻不聞香舌不知味鼻
柱傾倒人根縮入糞門苦痛如火所觸受大
苦惱皮膚腫起毛髮不牢此等唯說惡業行
人臨欲死時彼人如是三夜三日四大怒盛
苦惱所逼若命盡時他世相現所謂自見一
切屋舍如黑帳幕見有黑炎如夢見色如是
惡相不曾暫住復見惡色師子虎等不可愛
色一切極惡皆悉具見聞惡虎聲生大恐怖
鐵磨身皮殘有欲盡彼風上行始起足甲離
足甲已次行足趺離足趺已次行其脰如是
離脰次行其膝如是離膝次行其脛如是離

睦次行其寬如是離寬次行其肚如是離肚
次行其心如如是離心咽喉不利口乾唾盡一
眼則陷見虛空中閻魔羅人手執鐵棒既如
是見以手摩託知識諸親見如是已皆言此
人手摩虛空氣息閉塞遍吹身分於是氣斷
如垢燈炷燒已而滅捨此世間生在中有如
因相似相似得果彼惡業人於中有中受中
有苦彼見自身如命長時人壽八萬四千年
命年始八歲小兒之身自見自身餘一切人
皆所不見四大微細不見不對於須弥山能
穿能過而不妨礙自身不障須弥不障何況
餘山彼中有中如是自見黑闇鐵城自身入

中以惡業故見自己身一切諸毛皆悉炎然
又復自見閻魔羅人以黑鐵繩反縛其手復
縛其足彼黑鐵繩毒堅觸惡其色可畏次纏
身中遍體普急不容毛頭惡業行人如是自
見既為鐵繩堅急縛已有不可愛色聲香味
觸等境界謂惡業故眼見惡色甚可怖畏閻
魔羅人眼則炎然多種惡色怒臂極瞋心不
喜見又復耳聞不可愛語心不樂聞所謂說
言此人乃是惡業行者身業口業意業不善
造作惡行人中善處寶洲之地自誑其身不
正思惟十善業道作不善行常虛妄行不得
善寶一切欲行如刀火毒墮在嶮岸此人如

是爲欲所誑他妻所誑如是惡行此人如是不善觀察造作三種不善惡業如是癡人自行惡業我於今者置大焦熱大地獄中與種種苦無量百千種種苦惱皆悉具與令使後時更不復作惡行惡業閻魔羅人爲呵中有離妻子人大憂愁者而說偈言

女色爲知識
到閻地獄處

不利益如怨
一切怨惡中

破壞人世界
更無如業怨

三惡業縛束

我今送地獄

獨造作惡業

獨受惡果報

獨自到惡處

世間無同伴

若人多作惡

因緣於他人

自作還自受

彼人不能救

汝何故愚癡

爲妻子所誑

於此丘丘等

癡誑故造惡

此世未來世

怨常隨後行

怨中第一怨

一切惡處示

自所作惡業

如毒如刀火

汝自作惡業

汝如是自食

非此人作業

餘人受果報

非初非中後

非此世他世

若人散亂意

心不正觀察

貪受樂味故

造作不善業

愚癡亂心人

增長不善法

不知正觀察

造作諸惡業

心能誑衆生

心能令人貪

令人向地獄

閻中閻處去

閻覆生死中

難得佛正法

若人不受法

從苦到苦處

若人寂靜心

境界不破壞

彼人到善處

汝今者至此

如是造作惡業行人自身口意造不善業聞
魔羅人既呵責已送大焦熱大地獄去鼻齶
不淨臭爛惡屎舌嘗堅熱不淨惡味得不可
愛香味之色身則當觸最重惡觸有惡風來
如刀如火此五境界極惡可畏心怖畏故則
生恐怯於先已見大地獄相聞魔羅人堅繫
其咽業風所推將向地獄不得自在聞魔羅
人面有惡狀手足極熱拔身怒肚罪人見之
極大忙怖聞魔羅人聲如雷吼罪人聞之恐
怖更增聞魔羅人手執利刀腹肚甚大如黑
雲色眼炎如燈狗牙鋒利臂手皆長搖動作
勢肩闊長抓鋒利炎然臂鹿脉脹一切身分

皆悉麤起如是種種可畏形狀執惡業人如
是將去過六十八百千由旬地海洲城在海
外邊復行三十六億由旬漸向下十億由旬
業風所吹如是遠去彼如是處業風力吹非
心思量不可譬喻彼處境界日月風力所不
能到唯業風力一切風中業風第一更無過
者如是業風將惡業人去到彼處既到彼已
閻魔羅王呵責如前閻魔羅王既呵責已惡
業羅縛出向地獄以惡業故彼處見有閻魔
羅人謂是衆生將惡業人向大焦熱大地獄
去如是罪人閻中遠見彼大焦熱大地獄中
普火炎然彼地獄量五千由旬不增不減去

彼地獄三千由旬聞地獄人啼哭之聲悲愁
恐怕極大憂惱已受無量種種苦惱堅惡叵
耐如是無量百千萬億無數年歲聞大焦熱
大地獄中地獄罪人啼哭之聲既聞啼哭十
倍恐怕心驚怖畏閻魔羅人如是將送向大
焦熱大地獄去閻魔羅人呵責之故而說偈言
汝聞地獄聲 已如是怖畏 何況地獄燒
如燒乾薪草 火燒非是燒 惡業乃是燒
火燒則可滅 業燒不可滅 火不地獄燒
火不隨逐行 汝作惡業火 頃臾當燒汝
若作惡業火 彼在燒獄燒 若捨惡業火
則不畏地獄 若人自愛身 復畏於地獄

彼人則捨惡
心常善觀察
若人常惡心
何須眼出淚
初中後惡業
惡業已多作
若人作惡業
則去向善處
樂果非惡得
作善得樂果
因緣則相似
如是得果報

不受大苦惱
身口意皆善
癡心常自在
造苦得苦報
衆生不受樂
如是惡業果
則向惡處去
非是作惡業
以不顛倒受
若作惡業者
顛倒不相應

捨離惡業人
去但繫不遠
故得惡地獄
苦滅得樂報
汝人中造惡
今者將欲受
若人作善業
而得於樂果
無始世界來
如是得苦果
已作因於前

如是罪人惡業所作閻魔羅人於中有中苦
呵責已將向地獄彼惡業人既聞呵責怖畏
毛豎何況眼見彼中有人既見地獄炎火熾
然色等諸陰極受寒苦戰動難忍於彼地獄
熱炎熾火心生貪著起心即取取因緣有一
切有分法皆如是有因緣生彼惡業人不善
業因殺生偷盜邪行飲酒妄語邪見復有邪
行於彼淨行無欲染心淨戒相應善比丘且
強逼行欲彼不善業作而復集勢力堅韌所
得果報有大火聚其聚舉高五百由旬其量
寬廣二百由旬炎然熾盛彼人所作惡業勢
力急擲其身墮彼火聚如大山崖推在險岸

無有坎蹬挽摸之處如是罪人直入大火彼
地獄中如是勢推惡業行人入大地獄熾然
火中以惡業故有熱鐵鈎先鈎其足令頭在
下而入火中彼惡業人既如是入地獄熾火
先燒其眼既燒眼已次燒頭皮燒頭皮已次
燒頭骨燒頭骨已次燒頰骨燒頰骨已次燒
其齒既燒齒已次燒牙床燒牙床已次燒項
骨燒項骨已次燒背骨燒背骨已次燒胷骨
燒胷骨已次燒咽筒燒咽筒已次燒其心既
燒心已次燒其肚既燒肚已次燒大腸燒大
腸已次燒小腸燒小腸已次燒其寬既燒寬
已次燒其根既燒根已次燒胠骨燒胠骨已

次燒其膈既燒膈已次燒腳腕燒腳腕已次
燒足指如是如是彼惡業人以惡業故最初
先入大火盆中如是極燒一切身分燒已復
生受苦不斷如彼人中上上作業如是如是
上上受苦彼地獄人如是具受炎變火盆如
是極燒然後墮在金剛火地以怖畏故伸手
怒臂既到地已即復逆上如毬著地即上不
停如是速建連上連下伸手怒臂吼喚號哭
墮地復上如是唱喚大火炎變普覆身體建
在空中常亦被燒如前所燒入火炎中如是
無量百千年歲彼大地獄大火盆中燒已復
燒連燒不止一切身分燒已復生乃至時盡

若出火盆以惡業故而復更見閻魔羅人非
是衆生罪人見之謂是衆生手中執持炎然
鐵鉗彼鉗極熱於彼火聚二倍更熱以何因
緣彼鉗極熱以殺生故火盆所燒殺生偷盜
二惡業故彼鉗極熱二倍更熱以此因緣彼
炎鐵鉗二倍更熱閻魔羅人非是衆生以如
是鉗鉗取罪人置熱鐵地炎鐵鉤上提令使
坐炎然鐵鉤從糞門入背上而出或卵上出
廣說如前彼既坐已三倍受苦熱炎利鐵割
其人根并卵俱割何因何緣三倍受苦所謂
殺生偷盜邪行以此因緣三倍受苦譬如鐵
師若其弟子鐵作之處以鞞吹之風滿皮鞞

如是風吹彼火炎然如是如是作惡業人以
作惡業究竟滿故名惡業人作惡業人惡業
弟子業業普遍故名爲風所謂業風共婦女
姪名爲鍛作爐中熱沸謂地獄人唱聲叫喚
如是多吹如是多然多不善業如是多燒不
善業人受極苦惱以此因緣彼地獄中三倍
受苦殺盜邪行樂行多作彼果應知閻魔羅
人問彼地獄極大怖畏皴面唱喚不善業人
大火煮人作如是言汝何所患汝何所苦彼
受苦人即復報答閻魔羅人作如是言我今
如是極受大苦如是大苦猶尚可忍渴苦叵
耐閻魔羅人如是聞已復有惡河名可畏波
彼河唯有極熱勇沸銅汁蠟汁和合滿中又
復多有炎然鐵塊彼河岸險若見彼河極大

彼河唯有極熱勇沸銅汁蠟汁和合滿中又復多有炎然鐵塊彼河岸險若見彼河極大怖畏若聞其聲極生恐怕閻魔羅人以熱鐵鉢盛取熱銅熱白蠟汁持向罪人而語之言汝可飲之彼人渴故兩手執取謂之是水取已而飲彼地獄人以惡業故先燒其脣既燒

脣已次燒其舌乃至咽筒皆悉被燒次第乃至燒身遍已從下而出如是罪人四倍炎然四倍受苦何業果報所謂殺生偷盜邪行及以飲酒戒人自飲復與戒人出家比丘此業果報於地獄中熱渴須水而飲熱沸赤炎銅汁如是比丘持戒之人於衆僧中不知是酒

謂是淨飲而實是酒酒者是毒手既執已不能棄捨畏衆僧故而自飲之此業果報於地獄中赤炎銅汁不能捨棄渴急而飲此是酒果所謂沙門在檀越家惜檀越意不能棄却而便飲之此業果報閻魔羅人又復更問地獄人曰汝何所患彼地獄人即復荅言我今患飢我之所受如是苦中飢苦為勝如是荅已閻魔羅人於可畏波熱炎河中取鐵揣來五倍炎然語罪人曰此則是食彼地獄人惡業癡故起如是意我今食至即取食之先燒其脣如前廣說次第乃至從下而出惡業力故而常不死作集業故舌還更生更生柔軟

過蓮花葉身復更生更生輒嫩惡業果報彼
比丘如是觀察何業果報新生更輒彼見聞
知如來如燈如是說言若人殺生偷盜邪行
飲酒與酒復有妄語彼業果報若人犯戒若
見聲行言我持戒如是比丘如是心意食衆
僧食得如是果閻魔羅人又復更問地獄人
曰汝燒舌耶彼地獄人惡業癡人出舌示之
彼舌極軟如蓮花葉廣半由旬妄語業故閻
魔羅人犁耕其舌無量百倒傷壞破裂發聲
呻喚妄語業故如是無量百千億歲出於筭
數時節久遠受大苦惱是彼作集惡業果報
如是受已而於地獄未得解脫閻魔羅人復

為說偈呵責之言

如汝護惜命

他心亦如是

汝如是殺生

作惡業故來

世人寧捨命

而聚集財物

何故取他物

以為己所有

一切人愛妻

勝於愛自身

汝癡欲染人

何故強侵逼

若人飲酒者

於佛所癡生

法中第一過

汝何故飲酒

舌中出惡毒

一切人不信

汝妄語惡人

何故不捨離

如是五種惡

汝心所喜樂

今者應忍受

徒生此憂惱

惡業法如毒

汝如是不捨

故到此地獄

炎變大畏處

閻魔羅人如是呵責地獄罪人既呵責已自

所作業彼業如印常受大苦晝夜不息種種
堅鞭有無量種如無量種不善業行如是無
量種種受苦如因相似得相似果如是苦果
以種子故在大焦熱大地獄中滿足惡業不
善業人受苦果報善滿足者樂果滿足彼惡
業人如是受苦如是無量百千年歲如是惡
業如怨無異大不饒益如是燒者彼地獄人
如是罪人若脫彼處望救望歸走向異處遠
見樹林極大黑闇如是闇處多有犬狗彼狗
名爲張口大力如是狗者能急疾走口是金
剛彼狗吼聲甚可怖畏如是張口大力狗者
於彼林中處處遍有彼地獄人見彼林已疾

走往入彼諸惡狗一切皆來逐彼罪人先齧其卵及皮筋根脉及脉穴骨及骨節一切身分皆悉遍食唯芥子許遺餘不盡後復更生長久遠時惡狗所食此何業果謂殺生業為食肉故而殺衆生得如是果

正法念處經卷第十一

初

蟒

反母朗

醯呼兮

罽寬

下正作籠音

羶鬚

反莫班

正棘棘

二居力反

巖崖

皆反吾音

險峻

下雖

椎反直追

削反思約

蠍虎

上許

劈

反普覓

號

音

蝮音

蠍前二同

蜣螂

下音良

梁

反

橫誣

下音無

壓音

啄

卓音

筋筋

上音斤

竅

反苦

拔

反蒲八

抖擻下音

上音

叢

反自

紅

肺

反方

廢

鉗

反巨

廉

揣

反團

蓊

反子

委

鎧

反鈔

鉚

反苦

今亥反

甲下

恃

反音

鹹

反音

鹹

正音

鹽

反音

鹽

用上

曲

反音

壇

反音

善

軟下

作

坏

反疋

回

堅

反音

鞭

俗下

吾更

反

燥

反音

燥

反蘇

正

反胡

伴

咽

反音

縮

反所

六

斤

反音

斧

正音

甫

反音

壅

反音

反

反

皮膚

夫下

足

反音

跌

夫下

蹠

反音

蹠

同時

正反

二

腔

反音

反

反

唾

反上

陷

去咸

棒

反音

法

反音

所

反音

推

反音

回

反音

又

反

又

反

反

結

反音

肩

反音

抓

反音

膝

反音

脹

反音

所

反音

羅

也俱

反

反

反

反

反

反

反

反

反

反

反

反

反

反

反

聲

挽

反

反

反

反

反

反

反

反

反

反

反

反

反

反

反

貫

反

反

反

反

反

反

反

反

反

反

反

反

反

反

反

反

之

反

反

反

反

反

反

反

反

反

反

反

反

反

反

反

反

反

